



Izazivanje opće opasnosti i pronalazak oružja

Dana 11.11.2020.godine u 02,25 sati, obaviještena je Četvrta PU da je u ulici Džemala Bijedića, općina Novi Grad Sarajevo, ispaljen jedan hitac iz vatrenog oružja od strane NN lica, iz putničkog motornog vozila marke “Audi”, sive boje, nakon čega se isto udaljilo u smjeru općine Ilidža. Policijski službenici Šeste PU su, po zaprimljenoj prijavi, u mjestu Tarčin, općina Hadžići, zaustavili putničko motorno vozilo marke “Audi”, reg. oznaka T48-M-640 u kojem su se nalazili DŽ.O., rođen 1992.godine, nastanjen u Tarčinu, E.K., rođen 1990.godine i N.S., rođen 1993.godine, nastanjeni u Hadžićima. Tom prilikom kod DŽ.O. je pronađen i oduzet pištolj marke “Beretta”, cal. 9 mm sa okvirom i tri metka istog kalibra, za koji ne posjeduje odobrenje nadležnog organa. Pomenutog dana u 06,00 sati navedena lica lišena su slobode, zbog postojanja osnova sumnje da su počinila krivično djelo iz člana 323. KZ F BiH (Izazivanje opće opasnosti) i člana 74. ZONDINOM-a Kantona Sarajevo i predata u prostorije Jedinice za osiguranje objekata i zadržavanje osoba lišenih slobode MUP-a Kantona Sarajevo. Prilikom upotrebe vatrenog oružja nije bilo povrijeđenih lica, niti materijalne štete. Uviđaj na licu mjesta obavili su policijski službenici Uprave policije MUP-a Kantona Sarajevo. O prednjem je obaviješten tužilac Kantonalnog tužilaštva Kantona Sarajevo, a policijski službenici Četvrte PU nastavljaju rad na dokumentovanju navedenih krivičnih djela.

12.11.2020